



14
1548
18

18



14
1548
18

鼎觀金

同
目

昭和十八年
三月八日
購本

光緒三年
八喜齋刊

吳郡金石目

晉太康八年甄 文曰太康八年七月十七日吳賀
申作十七字左側吳工行三字反文皆八分書字
徑寸許乾隆乙巳出洞庭湖鈕布衣樹玉得之今
制爲硯藏嘉定瞿氏古泉山館

隋上方山寺王以成題記 文曰大隋大業七年辛
未歲七月甲申朔乙酉造邑主王以成凡廿四字
八分書徑六寸許按上方山古謂之橫山寺名楞
伽爲宋寶積治平二寺今止存治平此刻未見前
人箸錄近代講金石家謂文刻於塔盤誤乃刻於
一井口之圓石版因譌爲盤耳

唐褚河南書枯樹賦 在太倉吳氏祠壁正書文與

今錢塘倪氏璠生 灰子山集頗不同 據此可證其誤

唐文皇哀冊 褚遂良書亦在太倉吳氏祠冊文五十六行字徑四五分行書橫石潤狹各二冊文之後有陳深跋為兩潤石又一狹石前為吳文定寬跋後為紹興戊辰年跋姓名已磨滅又一石前五行亦不可辨其後則王鳳洲世貞麟洲世懋昆仲詩及跋載王氏金石萃編

唐寶應元年金大娘壙志 文曰孝男徐德行以空大唐寶應元年七月十四日葬空金大娘於崑山依仁鄉從空父穴也入土而并葬永安無患凡五行正書字徑五分刻于甄二 出嘉定徐家行鎮

今藏見古閣

寶應甄文 與金大娘壙志同出徐家行鎮正書徑

二寸半陰文寶字作寶

唐故龔夫人墓誌銘并序 正書十二行字參差不

齊大者徑七八分小徑四五分誌言夫人敦海郡

人祖諱黃頭按後魏張猛龍碑陰有鮑黃頭北齊

董洪達造像記有張黃頭馬黃頭周費氏造像記

有費黃頭王妙暉造像記有徐黃頭以此為名其

來已久誌又言夫人春秋六十有一自貞元廿年

歲次甲申朔五月甲戌朔講疾而終葬於吳城東

北干將鄉和合坊界按甲申下朔字衍邁疾作講

疾邁講古文罕見通用鄉坊名見吳地記而後人

鄉亦誤爲坊誌又言有一子少儒恐陵俗遷移故以尅塼爲記永閑白曰孤夜長辭按儒閑辭皆當時破體谷作俗音雖近而義不通刻作尅古人間亦用之輒出土未久故未見前人箸錄

唐周球故妻張夫人墓誌銘并序 正書八行字差參不齊徑六七分亦近年出六直鎮土中誌言元和十四年四年廿四日歿於私舍以其年十月一日窆於依仁鄉甫里村又言有子澄叩地泣而恐陵谷改移刻塼于号按吳地紀聞甫里在長洲縣東南五十里爲陸魯躬耕之地据此知甫里爲唐時村名後代民居日多故姑蘇志列爲長洲四鎮之一其文終旁从歹血上加一皆當時俗體下

云刻塼於号文義鮮通刻作刻又爲寫泐之謬誌中世字爲當代廟諱竟不缺筆草野不知功令無足怪也

唐故右內率府兵曹鄭君墓誌銘并序 穎川陳濟之撰正書廿行字徑四五分未見前人箸錄碑石亦未知出於何年見於何地誌言君諱準字闕道其先滎陽人又言太和四年正月二日遭疾終於蘇州華亭縣白砂鄉徐浦場之官舍卽以其年秋八月廿五日權葬于義興縣洞庭鄉震澤里下朱村原從宜也攷唐時鄭氏有宰相九人支分南北此誌述鄭君曾王父璿王父溥尚書右部郎中厯青邢相衛 幽懷七州刺史入爲左庶子皇考華

駕部郎中吉州刺史璿溥名竝見新唐書宰相世系表乃北祖之後也表於溥下但注左庶子未載其先曾官右部郎中歷青邢相衛關幽懷七州刺史而華下注云太常博士不云駕部郎中吉州刺史與誌異表於華下不書子孫名今據誌準為華之少子則華不止一子而準又有子五人宗儒宗韞宗慶宗遜又一子為僧皆可補表之闕孫光憲北夢瑣言亦載滎陽鄭準事則別是一人白砂鄉見楊潛雲間志又有嘉興監徐浦下場殆卽此所云徐浦場也石今藏陸直潘驥家云得之洞庭東山

唐故邵府君墓誌銘并序 首尾共十四行二十四

五字二徑五六分正書刻於軹曼漉殊甚可辨者君諱咸字文立雁門郡人又云以開成元年孟關之月關構疾廿六日終於私第其年十一月廿七日葬於長州縣西六十里依仁鄉其軹之左側又刻其墳東西開貳丈四尺為他碑所罕見此軹與甫里周球妻及斷墓志皆近出陸直土中今藏古

泉山館

佛頂尊勝陀羅尼經幢 署欵一行云蜀賓沙門佛陀波利奉空詔譯唐會昌三年壬戌九月八日寺僧文鑒等同建沙門契元書同建幢前試右武衛長史陸榮大匠吳郡陸永司馬關鐫刻字起皆旁寫幢在洞庭西山包山寺前

又在包山靈佑觀西二里許路旁小剝墻外上刻
宋開禧乙丑閏中秋及五年平江府湖常州太湖
水面白沙巡檢及迪公郎吳縣尉兼巡捉私茶鹽
等銜名

又在包山靈佑觀西與前幢對峙相距丈許皆
唐會昌中建一修於開禧中而此修於明蓋下刻
明包山寺重修二石塔住山杲庵道人法住題云
二餘剝蝕不可辨

又大中五年歲次辛未五月建正書在光福寺門
前書人姓名已不可辨

又大中六年十二月廿七日建正書亦在光福寺
前無書人姓名

又幢八面二九行二五十八字二徑六七分欵題

唐咸通八年歲次丁亥十二月丙申朔五日庚子
建幢主弟子莫少卿空置院老僧行齊空院主僧

文脩又行題時泰平興國五年庚辰三月甲戌十
一日甲申僧子湘并小師慶思慶明重修此幢兩

所承充供養院主僧子關捨財刻字比聖妙聰思

職空後又題大元二統元年重建大殿移幢基址
向前添新易舊次年甲戌四月關幢在嘉定縣南

廿四里南翔寺大殿後錢氏潛研堂跋尾云太與
泰古文只一字此題年號太作泰李陽水先瑩記

天寶作天璫古人於本朝年號或用古文別體無
所嫌也

又制與前同欵題唐乾符二年歲次乙未秋八月十八日建弟子莫少卿建此幢永充供養闕老宿僧行齊空院主僧文脩空又行云當院徒弟僧子湘并小師慶恩慶明捨衣鉢重修造尊勝幢兩所上下各二十四層造行道菩薩各八身并闕永充供養時太平興國五年庚辰三月甲戌十一日甲申立殿主文廣上座僧過宗院主僧子昌空後又題大元二統元年歲次癸酉七月吉日鼎新大殿因移二幢基址向前添新易舊次年甲戌四月吉日募緣重鑄上經字住持慧燈廣闕佛心妙行大師曇證重建亦在南翔寺此題宋紀年太不作泰二幢皆經元人修鑿非復唐人原刻

又乾符五年七月十四日建有同勾當弟子許亮

李闕代榮捨錢數及院主僧敬能直歲僧行球匠

彭城劉恭等字在昭文縣梅里鎮

王夫人墓誌銘并序近年移建東山廟於故址中

掘出已殘闕不全中有武聖山字

唐墓誌殘刻首尾十三行正書字徑六分上截已

缺姓名無攷僅存依仁鄉甫里等字與元和間周

球妻墓誌同亦唐刻也甄亦出六直鎮

龍興寺唐斷經幢止存下截尺五六寸八面七寬

四五寸正書字徑五分在郡城內財帛司廟北間

壁龍興寺內志乘失載攷郡志寺在吳縣西南梁

朝置紹興中於官倉瓦礫得房瑄所作寺碑韋夏

卿再立石今寺規模甚隘已非舊址碑亦訪之不得
得文載志中尙可攷耳

佛頂尊勝陀羅尼經幢 幢八面二各九行行書徑五分弟八面後四行皆低二字有女弟子徐十四娘爲亡夫許二郎捨錢及男女等各姓名錢數又有上座寺主都維那各僧名平原陸展書琅邪王柬鐫幢在虞山破山興福寺有兩石幢其一爲金貞書皆未見年月趙氏竹庵庵金石目錄載之須菩提像碑 戊辰歲王澐作行書字徑二寸許紹興_關辰吳門妙_關正書字徑八九分碑在朱明寺龍興寺僧妙應事詳吳中舊事當卽其人天台五百尊者圖碑 在朱明寺右邊上題姑蘇朱

明寺五字左邊上題東晉永和元年正月十一日立十一字正書徑六七分玩其字體乃後代妄人續刻此卽紹興王澐所作須菩提像碑一面据吳中舊事亦妙應所刻

吳越王投龍簡文 寶正三年投 國朝順治初吳中大旱太湖底圻居民得於湖濱以銀爲之重二斤一兩雍正中沈拙齋搨得其文簡形高六寸三分寬五寸二分強四圍有花邊寬七分許作龍蟠雲水文 中鐫十行 廿一二字不等其百八十九字小正書徑二分太湖備攷中載其文以此校之市物誤作事物王由誤庚申文祝誤貺三年誤二年歲在作太歲餘文皆同

吳越國中吳府故高陽許氏夫人墓誌銘并序 鳳

凰鄉釋惠關撰首尾廿三行 二廿五字正書徑三

四分無書人姓名但見拓本不知石在何處誌中

有三顯德四年十二月二十日迂厝於府城西五

里長洲縣武諱鄉大來里

佛說大佛頂隨羅尼幢 欵題下元甲子顯德五載

龍集戊午月躔南斗高陽許氏建在虎諱千人石

上池邊

金塗塔文 題云吳越國王錢關俶敬造八萬四千

寶塔乙卯歲記正書字徑三四分

加句靈驗佛頂尊勝隨羅尼幢 欵題弟子司馬閔

光曾口許尊勝幢子一隻不記年伏今特發心製

於開元寺觀音堂內供 願先亡久遠離苦超昇

永充養云 末題丁巳正月廿八日幢舊在郡城

開元寺今藏嘉興張叔未廷濟家以上自晉隋唐迄吳越凡此九種

加句靈驗佛頂尊勝隨羅尼幢 欵題南瞻部洲

大宋國蘇州長洲縣道義鄉住居弟子沈德遇為

新婦蔣四娘立咸平二年己亥歲閏三月一日記

正書攷長洲縣鄉十九圖廿二道義鄉管圖三在

城中此幢即立於蔣四娘之墓前但見拓本不知

幢在何處

靈巖山多寶塔寺狀帖碑 寺主掌僧文熹狀景德

四年帖首行行書餘皆正書攷靈巖山之塔建於

宋太平興國二年乃平江軍節度使孫承祐勣范

志載有承祐所撰新建輒塔記而据孫觀智積菩
薩殿記云梁天監中以吳王館娃宮故址為靈巖
寺宋興始改賜秀峯禪院石湖但据記云秀峯禪
寺据此刻則在眞宗時稱多寶塔寺為范志所未
及

大宋蘇州長洲縣平原鄉魯國閔君墓誌銘并序

大中祥符壬子二月孤子仁度書河內司馬雲刊
字誌中楓橋作封橋婁門作樓門石出駁船浜地
近楓橋農人耕土得之

閔氏大郎等歿世記刻 大中祥符五年二月正書
七行据閔榮墓志言大墓元在樓門外陳公鄉歿
長兄超妯娒母鄒氏先室顧氏並瘞此地今利發

彼二塋耐於一處云 則此因遷葬後別記者

保宣宗

寺并闕題記

大中祥符七年八月僧贊闕

字子邵文紹

闕

正書三行寺在寶山縣江灣鎮

重建渡僧山塘等橋記

建於宋至道中其時尚屬

虎聖

山寺以濟四方僧眾故名天禧四年二月望

日靈巖寺僧知則書妙書司馬邕刻前後列捨錢
人及助緣僧等姓名行書

虎聖

僧清順等題名

正書在虎聖山壁

包山靈佑觀建造碑

天禧五年十月在觀之東廊

壁間

包山靈佑觀勅文碑

天禧五年十月十六日行書

在洞庭西山

虎^聖山張希顏等題名 天聖元年二月廿一日行書在石壁

又王瀆等題名 天聖元年九月十四日正書左行在劍池石壁

又王質等題名 乙巳九月廿日正書在顛頭石上錢氏跋尾載之

又朱巽等題名 天聖八年八月十二日行書在石壁

馬禪寺橋石柱佛號題記 寶元二年正書在大石頭巷西竺寺橋

范文正公書伯夷頌 在范氏義莊頌後有宋元人跋

范文正公道服贊石刻 同上

范文正公與尹師魯手帖 同上

重建乘魚橋記 沙門釋達本述至和元年八月初二日後列捨錢人姓名正書碑在橋側吳郡志載其文多誤碑文天禧作禔他碑所未見

沈文罕修塔石刻 嘉祐五年九月正書舊在廟^{聖祖}妙觀前宮巷口塔中今藏古泉山館制為硯

重建醋坊橋記 治平乙巳八月十五日勸緣天慶觀主兼監庫道士方希辨題正書十七行在橋側橋在城中

菩提寺石孫題記 題云亡錢大娘亡前妻^闕功德報答四恩^闕 丁未治平四年四月正書三行字徑

五六分寺在安亭鎮今爲崑山嘉定兩縣地磔字見梁書諸夷傳廣韻上聲三十七蕩注柱下石也

蘇朗切

范文正公義田記碑 晉陵錢公輔撰吳興趙雍書 至正庚寅七月望日行書

蘇州堯峯山

關三字

寺寶雲大師塔

關

葛關撰張譽

書嵩

關

篆額熙

宣宗廟諱

四年首尾廿九行二世四字

徑七八分正書在堯峯山頂寶雲寺大殿後廊壁間未見前人箸錄

唐興殿記

篆書四字橫列碑首徑五寸許記文十

六行字徑四五分行書在安亭鎮菩提寺內下半斷失年月及撰書人姓名已不可攷据碑言至道

初朱仁幹復募緣造殿而寺中見有治平四年建炎二年捨錢制造石磔題記知此碑必立於至道以後非北宋英宗時即係南渡初年重修今姑坵治平之末記中所言因孫軍毀者當是吳越錢鏐時與楊行密將李友攻陷中吳之孫儒也此碑舊搨本末後尙有縣丞兼河溝五字今已殘蝕不可辨矣

虎

聖

石壁佛經并題銜名

在石觀音殿壁正書無

年月可攷

東京啟聖禪院真身瑞象歷年記 元豐四年五月

望日正書在婁門內小關帝廟上鑄佛象下刻記

文攷北宋建都汴梁開豐縣曰東京則院在開豐

卽以開豐石刻重摹者

蘇文公書歸去來詞赤壁賦等石刻 行書前有序

題元豐甲子石在太倉張氏

包山許輔等題名 正書元祐孟秋十有一日而不

書年當是元年在包山丙洞右

蘇州學記 州學教授朱長文撰嘉定八年十月教

授周仲卿重刻 祖臯書正書後有跋及銜名在

府學

宋故左中散大夫致仕上柱國普宣宗廟諱郡開國侯食

邑壹阡壹百戶賜紫金魚袋徐公墓誌銘 蔣之

奇撰黃履書章衡篆蓋元祐八年十一月正書卅

行二卅五字二徑五分在吳縣蒸山龍窩塢徐名

師閱梗概詳郡志及中吳紀聞大畧與此合撰書

及篆蓋者宋史皆有傳

范文正公像贊碑 閻灝撰宋之才書正書在政和

七年以前紹興庚午五月曾孫直方重刊至正己

丑十月八世孫廷英立石元好問有跋

范純禮告身殘石 草書後半已闕在范氏義莊

虎聖試劍石題字 紹聖己亥呂升卿題正書

又黃安仁等題名 紹聖四年三月正書在生公講

臺下

又曾處善等題名 元符庚辰正書在山浜內新構

同善堂公所之小亭外壁間

蘇文忠竹石刻 當在府學後有明人題跋畫之左

有住虎諱聖山閩粵慧先上石數字

虎諱聖賀方回等兩次題名 在千人石上方回宋史

文苑有傳亦詳中吳紀聞

又石觀音贊 住普照子英撰崇宣宗廟諱二年孟冬關

陽蔡林書行書宣和王寅季冬關淵上石一行正

書在殿內

蘇州常熟乾元宮興造記 崇宣宗廟諱五年正月吳郡

沈垞記正書在虞山致道觀

靈巖山天粹等題名 題云天粹拉百祿子山天和

游天粹子為勇為方侍行書後刻政和九年四月

二十九日沙門禪鑑大師一行正書刻在景德四

年多寶塔寺帖之反面

虎諱聖孫端等題名 政和甲午四月正書在石壁

范文正公義莊規矩續定規矩碑 正元甲午重刻

治平元年劄子及皇祐時所定規矩後列熙宣宗廟諱

元豐紹聖元符崇宣宗廟諱大觀政和等年續定規矩

碑中以升為勝以斗為斛以石為碩皆當時市俗

行用之字在義莊

靈巖慈受和尚披雲臺頌 宣和元年五月下澣嗣

法廊庫比諱聖中正上石行書又有丁巳仲秋下澣

真慶安孫觀跋在靈岩山下

慈受和尚入定觀音贊石刻 贊隸書識語正書据

前頌亦定為宣和間刻在靈巖山寺慈受詳中吳

紀聞

靈岩山王景仁等題名 宣和壬寅端午日在寺大

殿外東壁行書寺僧立石一行正書

虎聖胡少汲等題名 宣和六年三月二十三日左

行正書在石版壁上以上自宋景德至政和凡卅六種

菩提寺沈彥淪石礫題記 記云平江府崑山縣安

亭鄉桑浦村居住清信弟子沈彥淪弟彥深母親

方氏四娘捨錢三十八貫五百文製造石礫二十

八個入殿內保懺罪懺仰答四恩三有建炎二年

四月二十一日謹題仍薦已翁沈五郎婆徐氏一

娘子仲氏三娘子已考沈六郎眾魂生界正書六

行字徑八九分周圍刻之在安亭鎮菩提寺內安

亭姑蘇志已列為鎮無此鄉名矣桑浦村名亦不

載

又 上數字漫滅下云沈彥淪闕彥清彥深捨礫十

八個乞懺罪懺闕四恩三有仍薦方官沈五郎家

徐氏一娘子仲氏三娘子已夫沈闕即闕往生闕

界空洞庭元山石匠朱式亦正書周圍刻同在菩

提寺中

敕書碑 額題敕書之碑四字二行上層刻太常寺

狀廿五行皆正書徑七寸許下刻尚書省牒行書

六行字二三四寸不等末大正書低一字題參知

政事等銜名兩行字扁而漫漶尤甚尚書省牒四

字高出上層行在太常寺狀之前為他碑所罕見

石久斷為三已失中一段牒文之末存有建炎年

號文載舊志云建炎三年五月尚書省徐悌題請
 褒封金山龍神敕文悌宋史無傳名亦不見宰輔
 表石在寶山江灣鎮景德觀俗稱東嶽廟中僻在
 鄉鎮未經前人著錄敕闕卅字文云行在太常寺
 狀准尚書省劄子左武大夫福州觀察使節制
 航軍馬闕三字劄子臣昨在平江府江灣撻治戰
 以除兇逆竊聞本鎮有秀州金山龍神顯應忠烈
 公闕廟一方崇奉甚著闕跡臣遂闕三字統制官將
 等至祠下闕伸祈闕二字海道闕二字蚤達行在當具
 奏聞乞闕重起廟闕既而闕二字進闕五字海道二千
 餘里三日之內闕沙西闕率先諸軍至杭州闕下
闕四字至下闕一行廟下闕四字可神効闕伏見空廟宇頽

闕三字竭闕安闕三字聞日闕顯應臣不敢緘默伏望
下上慈行下平江府坐支闕省委本路增修廟宇
空仍乞空錫封爵庶闕二字傾仰副下陛下懷柔百神
 之意取進止四月二十五日三省同奉下上令平
 江府支錢二百貫增修廟宇仍令太常寺闕見闕
六上上闕封劄下寺今欲闕顯應忠烈順濟公伏乞
字三字闕敕封金山龍神顯應忠烈公下牒云尚書省
下闕入字闕敕封金山龍神顯應忠烈公下牒云尚書省
 牒二奉下空闕敕二凶干紀未就誅翦爰有虎臣來遄
 戰艦乃風不揚波安行無恐有以見神陰相國事
 而王師之舉必捷也是用錫之緡錢更新廟貌因
 神舊秩增重美稱宜特封顯應忠烈順濟公須至
 准空敕故牒空建炎下參知政事闕尚書右僕射

尚中書門下平章事闕按今松江府淪沒入海之

金山縣宋屬秀州而我邑未建縣以前地隸崑山

故碑稱平江府江灣鎮而云本鎮有秀州金山龍

神顯應忠烈公廟者金山原有是廟又建於江灣

耳福州觀察使及摠洽戰艦以除兇逆云二當卽

高宗紀載建炎三年三月苗傅劉正彥叛禮部侍

郎張浚命措置海舶之節制參議辛道宗也時勤

王師由海道趨杭州故碑中有諸軍至杭州字兇

逆卽指苗劉是年七月韓蘄王世忠擒兩人以獻

碑立於五月故牒中有二凶干紀未就誅翦之語

虎臣卽指道宗或以爲蘄王非也是時參知政事

者李邴碑已磨滅封金山龍神廟號始末詳宋楊

潛雲間志惟與霍光廟混而爲一則志之誤也

平江府學田記 紹興四年四月孫衛撰後列各縣

田蕩米石租錢數皆正書

白玉相好觀音記 紹興五年五月正書後有觀音

身真珠貳顆交割一行行書在靈岩秀峯寺

虎聖向子禮題名 紹興八年在石壁錢氏跋尾載

之

吳郡重修大成殿記 翟耆年篆額米友仁書鄭仲

熊撰紹興十一年四月行書錢氏跋尾云碑版之

例撰人題銜在前書者次之篆額者又次之此碑

正與相反蓋他碑題銜在前以右爲上此碑題銜

在末以左爲上

平江府修學記 鄭億年撰紹興十五年十二月朔

建時衍之書正書徐琛篆額王喚立石案億年王

喚其人不足稱姑存以備攷梓桑文獻云爾

徽宗時賜劉既濟手詔石刻 紹興甲戌重刻行書

在崇真宮

又賜道士項舉之宸翰 刻前碑之陰亦行書

高宗賜楊存中家廟銅鼎文 紹興丙子五月古篆

楊宋史有傳范文穆王文恪姑蘇志皆言存中曾

居令坊屬長洲此器亦當為吳中故物第不

知流落何處耳

高宗手書敕文 文云虎皮橐鞬一副弓五張至可

領也押石刻在郡城南禪寺敗垣中據押審為高

宗付韓蘄王手書

報恩寺王億年塔甄殘文 五行二存六七字正書

下同皆紹興中物藏郡城韓氏寺在城北郵故俗

呼北寺

前靖州軍事推官張傑塔甄殘字 八行下已斷缺

形制與前甄畧相同亦有紹興字及國學教諭進

士張聖仕銜名張見鄉舉題名碑署銜皆詳宋史

又甄 文四行參差不齊正書云元東京住今寄居

平江府吳縣利娃鄉飲馬橋北街西住弟子

與家眷捨塔甄一阡伍 德保扶合宅家眷安

字徑四五分中有界印乃版印於甄上案原本

之原宋以前多作元自明太祖繼興忌元為國改

元為原後相承用之東京即宋建都汴州之開封時已南遷存其舊名耳利娃即麗娃沿唐之舊飲馬橋名載吳郡志姑蘇志言淳祐中建者誤或至此重修耳

又制與前同而文異凡五行另有反文報恩寺甄四字文中有長洲縣儒教鄉舸城北保等名姑蘇志但有鄉名於古蹟載柯城在吳縣界又云舸城在平門外皆不屬長洲中又有承信郎及承事助教等銜名俱詳宋史職官選舉志

又文四行已斷缺亦有反文四字中有雙鳳鄉塗菘市俱隸常熟明高宗廟諱治中割隸太倉中列婦人姓氏下有稱妙連妙因妙慧妙性妙賢戒香等名

殆皆受戒於浮屠之法名也

又文存五行中多殘缺有杉瀆字此橋名之見於郡志者

又存下半四行廿八字亦有名妙觀者今藏古泉山館

又甄文五行藏郡城汪氏中有稱處州松陽縣久智鄉第十七保闕三字村居住今寄平江府吳縣利娃鄉白磬橋二北張家巷二西居住弟子楊公遠云二處州為南渡後所分兩浙東路四州之一屬縣六松陽其一也白磬橋與前杉瀆相近姑蘇志載有章家橋巷而宋刻平江圖內有章家橋章氏始末詳中吳紀聞

又大小與前輒同有道義鄉大木巷內居孝男陸網與等字巷名不見舊志

傅氏妙喜塔輒題記 出宮巷塔中有孝妻傅氏妙喜爲其夫修塔而下列孝男虞宗臣等姓名稱孝男已不如孝子之古而當時又以孝字加之妻且有妻亡而稱孝夫者則南宋以前未之見也

隆興塔輒題記 隆興二年九月圓日亦出宮巷塔今皆藏古泉山館圓日月圓之日猶言望日耳見翻宋本司馬氏書儀序後署菊月圓日

崑山縣修學碑 范成象撰黃萬頃書八分書乾道二年正月据碑李吉知崑山州多政績志但列其名無年月縣丞趙善待尉王齊輿亦無年月而主

簿張道之并失載書碑之黃萬頃登紹興八年進士署銜左朝請郎新知興化軍主管學事江夏黃某郡志未載其籍貫與官

范文穆三高祠記斷碑 乾道三年六月正書在吳江長橋垂虹亭之對岸祠中祀范蠡張翰陸龜蒙姑蘇鄉元山保井闌題記 乾道九年十一月十三日正書但見拓本鄉名見姑蘇志元山亦作龜山卽龜頭山

府學二字碑 隸書欵署大丞相太尉中書令文惠陳公筆宣教郎充平江府學教授潘旦立淳熙丙申季冬旣望學錄學生吉中孚跋正書在府學文惠名堯佐宋史有傳跋中云權守向公者卽向

宗原見郡志曾以提刑權平江府牧守題名遺載
韓蘄王神道碑 孝宗御題額趙雄撰文周必大書
正書在靈巖山之麓碑立於淳熙四年二月文與
宋史及宋棗本名臣碑傳集畧有不同王氏金石
萃編所載亦有誤處

包山范至先等題名 淳熙戊戌孟冬正書在陽谷
洞口右壁

靈濟廟牒 淳熙十年九月行書在城中五龍堂內
西壁上已斷失

安民石橋題記 正書三行十五字云淳熙十三年
七月初六日重建安民橋二名載郡志
摩訶般若揭帝寶幢 幢凡八面一寬四寸半上刻

佛象五面勒大功德天咒揭帝咒金剛穢跡神咒
尊勝心咒皆正書徑七八分欵云上闕二字伏觀當境
比年以來兇惡至多風俗不嘉謹募眾緣建闕摩
訶般若揭帝寶幢壹座鎮壓此方惟願自此凶人
屏息萬福咸臻物阜時和風調雨順者先立昔皇宋
丁未闕熙十四年九月空日幹緣僧修闕題另行
題平江府崑山縣崇顯教院闕持天台闕教加號
法闕又一面題祝延清宣宗聖諱保國安民八字徑二
寸許熙字上一字適當斷處以丁未證之知爲淳
熙又二面貼壁不可揭在嘉定縣獄蕭王祠內縣
建於嘉定十年故此刻猶稱崑山當分縣時度卽
改院爲署而志均未及幢闕縣獄前人未有知之

者瞿先生中溶於嘉慶甲子始搜得之唐以後多喜造經幢祈福禳災此因境多兇人風俗不嘉建此鎮壓設想雖愚意則遠勝之矣宣和畫譜載有唐陳閔所畫揭帝象中吳紀間載有常熟破山寺僧誦揭帝咒以驅龍二破山而去事所謂咒即唐人書刻聖教序後之揭帝揭帝波羅揭帝波羅僧揭帝菩提薩摩訶四句

寶林寺石磔題記 淳熙十五年二月正書寺在城中有承訓里名志失載

平江府學御書碑 洪邁撰并書正書在府學御書

乃高宗所書諸經石刻詳李心傳繫年要錄以上自建炎至

淳熙凡世四種

袁說友張體仁同年唱酬詩刻 在府學正書首列
范石湖序龔頤正跋後刻十三人詩錢氏跋尾載之

吳郡壽宣宗廟諱萬歲禪院記 紹熙改元仲春旦日當

山住持傳法蒙衲妙思記二 剎寺緣由甚詳備郡

人鄉貢進士經炳文隸書

方氏闕娘造橋題記 紹熙四年三月正書在聖祖廟諱

妙觀西南廣化寺橋洞內

靈濟廟勅封五龍碑 紹熙五年五月九日行書

包山趙彥權禱雨題名 紹興甲寅五月十二日八

分書在陽谷洞口趙彥權姑蘇志守令題名失載

包山楊坦然等題名 紹熙甲寅下元日正書在丙

洞左石壁

張成等義井題記 紹熙五月後有嘉定改元寶祐四年重修題字皆正書在聖祖廟前大臣坊巷

吳郡武舉登科題名碑 始建炎二年止紹熙元年皆正書在府學

包山趙希實等題名 慶元乙卯季冬八日正書在丙洞西壁

竹鶴二字碑 篆書慶元丙辰孟夏在府學臨川何異得武功蘇唐卿篆因刻於浙西憲治云二何宋史有傳

張安國書盧坦傳語碑 慶元丙辰孟夏行書刻於

竹鶴碑之一面

通神庵簔衣何神碑 承直郎胡表撰銘在聖祖廟妙

觀簔衣真人殿後壁

范氏復義宅記 樓鑰撰并書慶元三年秋元版二范集及吳郡志皆載此文有不同處當以碑為準樓宋史有傳

重建顧家橋記 慶元三年十一月正書在橋側橋在長洲縣境記後列捐錢人銜名舊志未載而吳地記言之甚詳

平江府新建廣惠行祠記 慶元四年六月朔日莫子純記孫應時書正書并篆額在郡城二隍廟義莊砧基簿公據石刻 慶元五年正書

丹陽公祠堂記 慶元五年六月朱文公謨署銜僅

存朝奉大夫致仕婺源縣開國數字記行書後有

張洪跋署銜存下半國史修撰事承務郎邑人某

某耳 范氏義莊題名碑 慶元六年閏二月望日奉議郎

孫應時序 重修長州縣主簿廳記 慶元六年庚申三月長樂

黃士特記山陰孫應時書行書俊義盧瑛隸額在

長洲縣學儀門東壁 龔大雅義井題記 井凡八面半刻義井溥施四大

字二徑六七寸一面居中刻南無五千四十八卷

大藏十字二徑寸餘記文六行二十八九字不等

徑五六分文云大雅伏念聖墓長途觀

往來之甚眾渴乏以何堪不拘士庶工商誰辨

賢愚貴賤或逢炎暑或遇晨昏非穿鑿於高原曷

誠心贊為義井報祖宗之艱業得後裔之榮昌飲

此泉人俱沾利澤又行低三字題太歲庚申季冬

丙申日龔書平江府吳縣元山石匠朱守宣

宗開末行題南無大方廣佛華嚴經九字較大七

八兩面一九行一十行大小與記同惟漫漶不盡

識祇存就先祖墳所字北至大塘字具列於左字

及母氏夫人承事太叔婆曹氏叔婆馬氏承事

婆陸氏十四娘子承事叔婆陳氏亡叔翁四六郎

四七郎五十郎叔婆徐氏滕氏等字末題宋慶元六年十二月日弟子龔大雅一行尙可辨蓋營井祖墳之旁以資冥福墳今不知所在并在嘉定南翔寺九品觀後廢園中錢氏尾載之

永定鄉安仁里義井題記 嘉泰元年正月正書在郡城西泮環巷河岸

開禧元年三月望重修 正書九字刻在閣橋內

胡六八將仕等開井題記 開禧二年八月正書舊在金獅巷中有稱普教寺卽府志所載之永定寺義莊蠲免敷借船隻軍府牒石刻 開禧三年十一月正書

定城令趙用墓碣 嘉定乙亥二月十三日葬長州

縣彭華鄉許墅之南岡後署三子勳勇勢二女長適迪功郎楊澤再適進士姚子寅次適甥進士張大壯勳等書李大東書諱

平江府嘉定縣南翔院長懺觀堂記 僧居簡撰正書篆額銜名存下半軍府兼管內勸農營田事賜緋魚袋陳書人僅存一林字之姓名皆不可攷錢氏跋尾云文見北澗集 二中爲南翔寺作者有長懺院記僧堂記大殿碑陰記與此凡四今惟此石僅存文多漫滅可識者十之三與集本亦間有異同末題嘉定九年季冬旣望縣建於十年蓋撰文之次年書而刻之石耳

崑山縣清真觀建昊天閣記 陳振記鄭準書姑蘇

志不全載此文陳振見玉峯志建閣緣由亦載準
為華原郡王之諸孫寓居崑山者題額頗有致惜
鄭準下有從關郎一條已缺失不全

義莊蠲免科敷和買公據石刻 嘉定十年五月正
書中有稱安撫劉公者當即忠肅劉琪王提舉者
當是王鈺見姑蘇志名宦傳安石之孫和買見食
貨志

財帛司廟前井闌題字 嘉定辛巳四月正書在明
澤橋北中有稱弦歌里西菓行等名不見於志
平江府添助學田記 嘉定庚辰臘月郡文學溫陵
謝南記并書記下刻嘉定十一年正月十月牒文
二及官銜姓名田數米石在府學

馬行闕重製井闌井衣題記 嘉定十二年正月正
書在崑山馬鞍山下

重建南新橋題記 嘉定十四年仲冬十一月正書
在今曹河徐橋內

重建胭脂橋題記 嘉定十五年二月八日在馬津
橋東南側題橋柱

重建德慶橋題記 嘉定壬午八月甲申在橋內正
書

桑盤金城王廟石香爐題記 嘉定十七年孟夏中
旬正書吳江翁大年搜得於廟旁榛莽中今藏其
家

宋故通判趙公壙志 趙名崇雋嘉定甲申三月五

日卒是年冬臘月十四日殯於先塋之西平江吳縣至德鄉茶塢山後署孝弟崇修拔淚拜書正書在寒山法螺寺中署其先世官職悉與史合惟雋作雋又稱初娶管氏再醮錢氏攷禮記昏義父親醮子而命之迎又說文云醮冠娶禮祭則男子重婚爲再醮於義方合

宋故黃州判官從政魏公壙志 魏名玠嘉定癸未

六月丙子卒明年三月庚申葬吳縣長洲鄉祝塢山子汝礪撰并書正書稱親末進士張一新填諱會祖冕見中吳紀聞及郡志

永定鄉人造井題記 嘉定十七年十二月正書在府治東西米巷

雙塔寺公據碑 據給於慶元二年六月寶慶元年

六月住山師哲跋而刻於紹熙壽宣宗廟諱萬歲禪院

記之陰皆正書在寺東壁

重修天慶閣記 高之問撰趙盛篆額寶慶二年三

月立正書在廟諱妙觀

范通議宅砧基簿碑 在義莊契置用錢數自嘉定

十七年至寶慶二年四月

安養院記 寶慶二年八月天台陳耆卿記正書卽

刻於紹興唱酬詩之陰

泰伯廟楊簡詩碑 八分書無年月簡宋史有傳以上

自紹興至寶慶凡卅三種

平江圖碑 正書大小不等在府學無年月末有呂

挺張允成張迪姓名乃刻圖之人因攷府學嘉定八年記長洲縣學慶元六年重修主簿廳記又紹定二年嘉定縣學記皆有張允成張迪刻工姓名則此非宣宗廟諱宗時即理宗初年物

吳學復田記 紹定二年八月天台陳耆卿記會稽石孝隆書并題額正書在府學

嘉定縣學記 紹定二年中秋沈璞記并書正書首尾廿行二世七字二徑寸許在縣學為嘉定建縣

弟一碑文載縣志多竄改處錢氏跋尾載之吳郡梅隱菴記 紹定三年十二月范元衡撰趙緜

書正書方萬里題蓋在盤門內瑞光寺大殿壁間錢氏跋尾載之

虎聖諱蔡熙國兄弟題名 紹定庚寅七月正書在石壁

給復學田省劄 紹定元年十月三十日二年九月閱日正行書不等是年十月泰亨跋行書

顧衙復泉井題記 紹定三年十二月正書在葑門內望信橋邊

行在尚書禮部符 紹定四年九月平江府給寺僧立石執照 寶祐六年二月與上符

同刻一石正行書不等在鄧尉山光福鎮廢寺中判府編修添置養士學田記 額正書六行字徑三

寸強記廿行徑四五分皆正書稱判府編修者據後唐夢翔田租記云郡太守編修鄒公發俸資置

田當卽吳郡牧守題名中之鄒應博也所記鄉名
如循義及崑山之新安皆不見姑蘇志碑言契用
之錢每若干貫以九十九爲百二書陌租米之斛
皆云係市斛可見當時官斛亦有不同碑無年月
及撰書人姓名在嘉定縣學

袁肅簡僧普華詩碑 紹定五年二月肅簡詩行書

普華跋正書在雙塔寺錢氏跋尾載之

吳學義廩規約 慶元二年正月葉適題行書後列
約凡若干条碑在府學

顧迺市張闕義井題記 井凡八面一面刻義井二

字二徑四寸許一面刻記七行字徑七八分記云

顧迺市龍王廟西居住奉空佛弟子張闕謹發誠

心施財收買磚灰命工砌造義井一口所將空功

德專用追薦亡妻陶氏三四娘子洗滌穢塵早超

空爭土成就空往生者空端平二年三月空日孝

夫張闕謹題并舊在嘉定南門外瞿先生中溶題

識於後移置學宮

常熟縣修建學宮記碑 端平三年十月魏了翁記

并篆額嘉熙改元四月乙丑朔袁甫書正書按魏

文靖袁正肅皆見宋史此文可證琴川志所載之

誤

義莊椿留公用錢關石刻 端平三年十二月正書

常熟縣教育言子諸孫記 嘉熙改元四月袁甫撰

并書正書王遂題蓋遂宋史有傳琴川志載此文

亦多脫誤

常熟縣經畛記 嘉熙二年秋八月杜範撰并書正書曹幽篆額二人俱見宋史志載此文多誤字司馬文正隸書思無邪公生明碑 淳祐元正摹刻在府學元正度元年正月也

疏廣傳語碑 淳祐辛丑孟夏陳塏對刻明清堂在府學卽刻於何同叔所刻篆書竹字碑後塏見郡志牧守題名又見宋史

經筵薦士章藁碑 前刻紹興手詔下刻熙宣宗中廟諱陳襄上進司馬光輩廿三人皆列銜并評隲品行學問淳祐元年七月陳塏題正書在府學

虎聖潘枋等題名 淳祐癸卯中秋正書在山門厓

上

鄭孺人壙志 其夫周君錫撰文十二行二十六字

二 徑七八分淳祐四年十一月正書出嘉定縣西門外今移嵌明倫堂東壁志稱其父官訓武鈐轄宋制武階正八品君錫自署官爲承信郎乃從九品此武階之最小者文云祔葬嘉定縣守信鄉積慶庵翁姑墳塋之旁舊志分縣割言守信鄉舊名春申据此宋時已有此名矣姑蘇志言積慶庵歸并月浦興勝教寺在烏涇宋端平間里人楊九捨宅建今庵寺及涇名皆不見於縣志

帝王紹運圖碑 正書在府學

天文圖碑 同上

吳郡金石目

地理圖碑 同上以上皆淳祐丁未仲冬東嘉王致遠書

施判司宅修井題記 淳祐七年臘日正書在葑門內東小橋南地名東街

范文穆偃松詩殘刻 有丁未臘日僧智贊跋在靈岩山

守吉州助教郭鏞井闌題記 淳祐戊申六月正書在階芳巷

嘉定縣重修縣學碑并銘 淳祐中王遂撰并書黃自然篆額在縣學

井闌題記 淳祐庚戌三月正書在郡城張果老巷之祝家橋姓名漫滅首行有周百一官元買到云

藏一山人訪鄧道樞題名 淳祐十年三月正書在

虞山

菩提寺山門橋題記 記凡十二行字徑七入分行

書在寺內文云當寺比諱文敏謹將平日赴請授

到官會壹阡貫文添助勸緣重新建造山門石橋

所萃福利上答四恩下資三有法界眾生同躋覺

路淳祐十年歲次庚戌十一月十三日謹題

集祥里人義泉題記 淳祐庚戌正書在布政司大

街兩面分刻

虎諱程振父等題名 淳祐辛亥春分正書在試劍

石旁厓上錢氏跋尾載之

嘉定縣修學記

淳祐辛亥夏五林應炎撰正書在

縣學辛亥為淳祐十一年林侯在嘉定任弟四年

包山陳翼等題名 淳祐壬子元日正書在陽谷洞

口石壁

吳太伯廟迎享送神辭碑 龔頤正撰淳祐壬子季

秋望日重刊陳信伯書行書潘紀立在泰伯廟刻

於重修至德廟碑之陰 淳祐以上自紹定至

重建陽山西白龍母廟記 李起撰文王炎書鄭羽

題蓋寶祐改元高彥博立石行書見舊榻本所述

龍母事蹟與郡志所載畧同

吳郡鄉舉題名碑 紹興十年至寶祐六年在府學

菩提寺禮部告示碑 首行行在尚書禮部及末右

告示僧懷楚仰知悉皆大字徑寸餘中列狀據十

三行皆低一格字徑三分許行艸書無年月刻唐

興殿記碑之陰据文證之當屬寶祐中所刻

第一泉井題記 存第一泉及大宋國嘗宋開慶數

字餘不可辨在郡城獅林寺正書

常懋詩刻 懋宮偶成七律一首字徑寸許艸書在

嘉定縣集仙宮內懋宋史有傳作楸曾知嘉定縣

事

方塔寺碑 宋淳祐景定間人題贈僧無擇詩與偈

也已漫漶不可盡識在常熟縣方塔寺

封劉錡為天曹猛將神勅 景定四年三月正書在

靈巖山下盈農莊廟劉為南渡初大將最為金人

所畏詳宋史

鳳凰鄉人修井題記 景定四年四月初八在烏鵲

橋正書

義泉 景定甲子上谷重修在郡城內黃午坊橋西
巷內十廟前八角井上正書

嘉定縣學重修大成殿記 咸淳二年夏四月林應

炎記趙崇煥書并立石行書在縣學篆額五行字
徑三寸許記十七行 二世一字二徑寸許

嘉定縣學田租記 咸淳丙寅七月既望合沙唐夢

翔書正書十二行字徑六七分在縣學

有宋太安人徐氏墓誌銘 國子監進士陳鑒撰迪

功郎前永州二學教授陳伯錢書奉 關 主管機宜

文學楊 篆額咸淳二年十二月二十六日葬於

崑山蔣浦之北石今在安亭鎮孫坤家

白蓮泉義井題詩并記 咸淳丁卯正書在郡城

亭泉詩并題記 咸淳四年正書在杉瀆橋南大街

常熟縣將仕郎朱 關 典重建白塔子橋記 咸淳五

年三月初六日吉時正書在橋洞內橋名不見於

平江圖

張真君行祠免賦府帖石刻 咸淳六年七月行書

後列書寫典級等銜及姓而不署名

張真君行祠免苗稅記 下已斷與上及廣惠行祠

碑俱葉紐之訪得亦列銜及姓

邵必達義井題記 咸淳辛未十月正書在乘魚橋

側葛家巷乃邵必達為其女身亡而立記內自稱
慈父頗古雅勝於妻亡稱孝夫者遠矣

宣聖象碑 在府學咸淳十年七月後云吳郡文學
董師諫郭夢良命工敬刊

義莊建祠撥田尙書省劄付等碑 咸淳十年皆正
書

改造渡僧橋石刻 咸淳十年十月文云九卷洞橋
者卷環古轉聲潛尙書者為潛說友後題上高都
料作頭及監董贊助幹緣勸緣撰疏等名

虎碑戴覺民等題名 德祐乙亥正書覺民見姑蘇
志守令表

樂安鄉人造井闌題記 正書年月磨滅在西米巷

內郭市橋北街

虎碑章珉題名 正書無年月吳郡圖經續記載有

章珉遺事

又王闕等題名 正書在劍池外石厓

又關詠仁等題名 正書在寺內已殘缺

包山趙明叔等題名 正書但記甲辰九月在陽谷

洞

又王兌等題名 正書不題年月在陽谷洞西壁

宋故閤門寄班祗候洪公之墓 正書六行字徑二

寸五分在嘉定縣城西八里許有土地祠名朱巍

廟神座下嵌此石廣不及二尺其碑之上橫題此

十二字下有文十行已不可辨末行有哀子某泣

血撰數字亦正書字約五六分洪公之名不可攷
土人云墓去廟約里許此石於父亦稱哀頌與古
合官名見宋史職官志錢氏跋尾引之甚詳

重建章家橋題記 在望門橋東南小橋柱上正書
止存重九日章府一力重建數字年月無攷章氏
源流詳中吳紀聞

顧氏五二娘捨軛柱記 正書在木瀆鎮無年月
張睢陽廟浦祚等捨錢石刻 廟在虞山南麓無年
月

馬浦巷郁成捨軛柱記 正書在吳縣靈岩鄉盤門
外無年月以上自寶祐至
宋末凡卅三種
重建醋坊橋題記 至元丁亥歲月正書在橋洞

長懺觀堂莊田記 至元二十六年十一月僧德

立在嘉定南翔寺碑分兩截上刻徐有林捐田數
并記字徑四五分下截刻管必勝捐田數并記字
畧小皆正書年月在下截上截已漫漶不可攷

硯石里重建香花橋題刻 至元二十六年膺月正
書在木瀆鎮靈巖山左近記五行後列施主姓名
十四行中有稱眞慶院不見於舊志

常熟縣令孔文貞去思碑 至元二十九年正月闔
邑紳士耆老百姓等共立石正書無碑額及撰書
人姓名碑在縣學姑蘇志但於守令表列其姓名
錢陸燦續志人物傳語也不詳可據此碑全文增
入

平江府報恩萬歲賢首教寺碑 闈復撰并書徐

宗題蓋至元二十九年八月望日住持處薰建正

書在報恩寺俗稱北寺錢氏跋尾載之

平江路常熟縣重修文廟記 至元三十年十二月

庚寅闈復撰并書徐廟誌題蓋行書闈復元史有

傳題此碑正以桑哥事免官故題銜中稱翰林學

士

文正范公祠記 徐廟誌撰李處巽書并篆額至元

卅一年正月廿日記義莊提管士貴立石八分書

文載二范集畧有不同

范文正公義莊義學蠲免科役省據 後署右付范

士貴收執准此云二行書

府學銅豆并象尊欵 有至元癸巳李淦鑄吳郡學

祭器十二篆字分兩行

府學銅爵并豆簠等欵 文云元貞元年己未李淦

方文豹鑄皆篆書

祭器碑 府江李淦撰嚴陵方文豹書元貞元年十

月正書在府學儀門

學道書院銅爵并豆壘等欵 文云大德二年中秋

日平江路學道書院山長慧陽倪奎自命工造正

書此院舊爲先賢言子立初在府城東北隅凡數

遷而仍廢祭器歸入學宮倪奎又造有爵五坩廿

四文皆同

大成殿記 燕公楠撰李世安書馬紹篆額大德二

吳郡金石目

年十月正書下列學正等銜位姓名

趙吳興臨褚河南書枯樹賦 大德三年九月後有

孟滄白斑陳深密古錢翼之周天球王世貞跋皆
弇州山人模刻

黃老媽義井題記 文云大德八年六月旦日 關士

主黃老媽捨財重建正書

平江路總管造編鐘款 文云大德乙巳十月平江

路總管朶兒赤教授劉惟肖造杭州路儒學樂師
施得仲正書儒學志云鐘凡十有六今佚其四

湖州路長興州至德鄉第四保章廿九郎等施財開
井記 大德十年十月正書在郡城獅林寺東

證覺精舍記 大德十年八月初八日僧明本書正

書在吳縣吾家山攷卽鄧尉之支山志乘不載證
覺精舍并中峯此記

重建留珠蘭若記 至大改元九月洪喬祖記趙孟

頰書并篆額正書四明茅紹之模鑄在吳江縣卓
墓村近人作百城煙水一書亦載此文相傳子昂

書以茅刻爲佳

常熟知州盧侯生祠記 周馳撰趙孟頰書并篆額

正書至大四年正月七日下題闔州士民陳少雅
等三十餘人姓名立石今在縣學

詔旨并省劄碑 大德十一年七月詔至大三年七
月立皆行書後列銜位姓名在府學

詔旨加封大成碑 大德十一年詔至大三年立皆

正書首尾卅六行字徑三四分篆額兩行字徑二寸半後列銜位姓名在嘉定縣學

趙文敏書李愿歸盤谷序 皇慶元年四月行神書在太倉州學校元刻本及王伯大音釋本皆不盡合

趙文敏蘭竹石刻 欵云顧善夫以公事至都將南旋用此紙求畫乃爲作此圖子昂今其石不知所

在 平江路常熟州重修廟學記 皇慶改元二月朔儒學教授唐泳涯撰後列立石銜名皆正書今在縣學攷泳涯及列銜中之達魯花赤火爾赤知州韓居仁王英同知呂儀之睦忽彬判官李伯榮任伯

通諸人姑蘇志皆未收錢陸燦續志止收泳涯及韓居仁王英而李伯榮誤以其官敦武爲名王英傳中卯酉二字又以古文卯而誤點畫

嘉定州集仙宮重修東嶽行祠記 張與紹書張與材撰并篆額皇慶元年竊月住持孫應元立石篆額五行字徑三寸許記文十九行行書字徑八九分在縣東集仙宮攷記中稱陳公者縣志題名中之陳邁也集仙勅額本在安吉縣道士葉子琬始移揭於此張與材署銜太素凝神廣道明德大真人元史釋老傳未載碑書靈作靈二在廣韻十二青雖俗字亦有所本錢氏跋尾載之

平江路嘉定州集仙宮瑞竹記 皇慶元年竊月張

與材立署衙同前岫書額正書徑五寸記十二行
字徑入九分錢氏跋尾云元時集仙宮道士孫應
元嘗於齋前倒插竹一枝已而得活後遂成林因
以名軒吳禮部集又有嘉定黃氏瑞竹詩云練川
誇瑞竹黃氏見高門富麗應如此時來豈有根則
同時有兩瑞竹事邑志惟載集仙宮竹黃氏竹鮮
有知之者

集仙宮倒插竹圖并詩碑 篆額六字徑三寸許圖
畫竹十餘枝下題倒插竹字小正書詩十九行字
徑入九分行書後署名聖祖廟諱眞子詩所云盧公者
度卽住持盧眞祐聖祖廟諱眞子卽周鶴林梗概見張
米庵眞跡目錄及李日華六硯齋隨筆

重開義井題記殘字 皇慶元年十一月正書在郡

城琵琶橋

崑山州重建海宣宗廟諱禪寺碑 元祐二年四月趙孟

頴讓并書行書杜熙篆額在太倉城內寺中文多
譌字疑爲後人臨本重刻碑末題元祐尤謬文敏
署銜集賢元時無此閣應稱集賢直學士

重修閭橋題記 延祐乙卯仲夏重修八字在婁門
土眞殿記 首尾十七行字徑寸許篆額橫列字徑
三寸延祐四年正月望日東喜章嘉讓孫應元立
石行書在集仙宮

重建德慶橋題記 延祐丁巳季春正書在橋洞
嘉定州儒學造祭器款 延祐四年十月朝散大夫

平江路嘉定州知州任立儒學教授王虎直學下
正書在縣學器凡二種一圓有蓋一長方四角乃
簠銅之屬文勒於

海廟宣寺洪鐘欸 正書署欸一行云皇元延祐四

年歲次丁巳十月甲子朔越十日癸卯崑山海

廟宣寺洪鐘成朝列大夫崑山州知州兼勸農事王

安屬翰林國史院編修官章嘉爲之銘又有造寺

男女銜位姓名及助緣化緣寺僧匠人名舊在太

倉州海廟宣寺鐘樓州於元時地屬崑山故署欸

云二其年月銘詞及有銜位姓名俱工整不苟其

餘多艸率字多破體如以娘作妣以與爲興以舉

爲牽之類鐘高七尺許今移在州城東門內鐘樓

初建永壽禪寺記 延祐五年正月呂師說撰孫元

規書正書無篆額亦無標題在嘉定婁塘鎮錢氏

跋尾載之

趙文敏書歸去來詞 行艸書末一行云延祐戊午

九月門生崑山顧善夫摹勒上石下有姑蘇吳天

澤鐫七字與前書歸盤谷序同出一人手而文校

今坊刻本畧有異同善夫家太倉摹刻文敏書畫

甚多惜皆散失獨此與前序並在學宮

平江路總管造銅鬲欸 文云延祐六年歲在己未

正月吉日平江路提調學校官總管不八沙正議

任內添造教授陳伯監鑄凡五行正書姑蘇志不

八二字誤倒儒學志載犧尊四添造銅七鐙四文

皆同

圓通寺僧建橋題記 記曰特授妙明圓悟普照佛
心大禪師大報國圓通寺住持明了回施已資一
力鼎建肯延祐六年歲在己未冬吉日謹題正書
三行字徑二寸許在嘉定城中俗呼察院橋橫石
上

大報國圓通寺記 趙孟頫撰并書瀋王璋篆額延
祐己未十月望住持明了立石行書在嘉定縣治
東北寺內元史高麗傳失書璋封瀋王事又璋誤
作章皆可補其疎舛見錢氏跋尾

嘉定州文廟祭器款 至治元年二月正書器凡二
種一象尊一長方劍文勒底腹五行陰款

平江路重修儒學記

楊載撰趙孟頫書并篆額至

治元年五月記七月徐震立

尊經閣記 至治元年良月趙鳳儀篆蓋趙樞書行
書徐正立

嘉定州學編鐘款 文云朝列大夫提調學校官周
思明教授劉德載直學徐伯岩知書鄭德昭又一
行云林安壽吳庠樂師全勝予較正至治癸亥孟
夏嘉定州儒學置皆正書縣志載鄭德昭爲至大
間訓導此作知書年分亦不同舊編鐘十有六今
缺其三

平江路嘉定州儒學大成樂記 天台周仁榮撰燕
山薩德彌實書行書大名趙簡篆額二四行字徑

二寸半記廿一行字徑寸許至治三年八月林安壽等立石在縣學

東嶽行宮鐵香爐文 王天祥題泰定甲子正月正

書在聖祖廟 妙觀東嶽殿前鑄作鈺

東陽義塾記 鄧文原撰并書泰定元年四月朔日

在寶山大場鎮沈氏

建橋題記 文云廣慧聖祖廟辨大師大報國圓通寺

住持小師闕慧等施財鼎建石橋功德莊嚴闕二字

和尚妙明圓悟普濟佛心大禪師了公覺高登上

品更願宛親普度恩有齊資法界含生同成種智

空歲在甲子泰定元年七月日題空提點悅可善

學善慶慧海監工在嘉定外岡鎮三元橋側

泮池疊石題記 泰定元年十月教授劉德載提調

官周思明又有知書林安樂鄭德昭及直學姓名

已磨滅所記四岸疊石六層通計肆拾肆丈肆尺

松椿計貳阡伍百陸拾叁根云二凡五行參差不

齊字徑寸許在嘉定縣學

元故宣宗廟國路總管府推官楊君墓誌銘 黃潛撰

康里巉書杜本篆蓋泰定二年三月葬杭州錢塘

縣履泰鄉方井之原碑未有吳郡字樣据于司直

天下金石記此碑在蘇州府學蓋刻於蘇而未經

載往杭州立於墓前後人移入郡學楊元史有傳

大畧與此同碑中言友婿蔣堂乃吳人

嘉定州儒學教授題名記 篆額五行字徑三寸強

泰定二年七月金華劉德載撰碑分三截上記文廿四行字徑七八分下二截各界十行自元貞三年楊巽申起至正十年吳靜觀止十九人大字八九分小字四五分皆正書縣志守令題名多誤倒處可据此正之載錢氏跋尾

建造泰定萬年橋記 文云嘉定州東北隅林疇自

施已財一力鼎新建造泰定萬年橋四闕同霽福

利者泰定三年十二月吉日正書在嘉定縣城中

俗呼東坡橋內

天妃廟迎送神曲並序 泰定四年七月甲子勾章

黃向爲撰沂陽董復書嘉興吳漢傑立石行書在

郡城天妃宮錢氏跋尾載之

嘉定州護國寺重建大佛殿記 在殿廊下文皆漫

漣年月及撰書人姓名已不可攷行書字徑八九

分篆額四行字徑三寸許寺創於宋天聖中修於

元泰定二三四四年碑當卽其時刻也寺在西城外

甫里書院銅爵并巽洗欸 文云天高宗廟諱元年戊辰

甫里書院山長陸德源誌皆篆書德源詳長洲縣

志及黃潛所撰墓誌器在郡學

楊大倫寄南窗鍊師詩 詩十五行字徑寸許後題

天高宗廟諱己巳孟夏一行差小皆行書在集仙宮楊

嚴陵人見後智玉成建學記及教授題名

錢門塘石橋題記 記云浙西道平江路嘉定州守

信鄉第二都闕二字里錢門塘南居住奉三寶女弟

子孫氏闕二字同女張氏妙真媳婦金氏闕善闔宅

下謹發誠心捐施等財一力鼎建錢門塘石橋一

所上答四恩下資三有四季三元吉祥如意者歲

次已巳天高宗廟諱二年七月孫氏妙圓謹題在嘉定

外岡鎮北官路旁俗呼為界碑

重建拱星橋題記 記云廣慧聖祖廟諱辯大師大報國

圓通寺住持比聖崇心提點比聖善學悅可善闕

耆舊比聖慧海曇瑞施財重建拱星石橋功德莊

嚴宗寂開山和尚妙明圓悟普濟佛心廣慧大禪

師了堂長老增崇品位更冀窺親普度恩有齊資

法界有情同圓種智監造比聖普暹歲次庚午天

高宗廟諱三年正月空日題正書在嘉定縣治後俗名

東清河橋洞內

報恩萬歲賢首教寺長生田記 黃潛撰并篆額郡

人錢良右書至順二年良月住山沙門傳教立石

在郡城府署北

嘉定州重建廟學記 教授大名智玉成讓吳郡朱

炎書正書辰南潘翽篆蓋四行字徑四寸半記廿

五行字徑寸許至順三年十二月後列銜名攷姑

蘇志守合表以蘄端愛為朝奉大夫拜降為信武

將軍與此題皆稱奉政大夫不合又列拜降於蘄

端愛後中隔十餘人又不分蘄為知州拜降為達

魯花赤皆可据此正之

碑陰 列匠人及諸邑姓名二行

重建永宣宗廟諱橋題記 至順四年正月在婁門外正書

王德明叔建福壽橋記 記云浙西道平江路嘉定州第二都李巷村住民王德明與家眷等伏念自身見年七十三歲本命辛酉四月建生幸因宿慶獲處人倫每懷報効之誠仰答生成之造竊見本境湖堽門板橋乃南北往來之要道由是發心施財一力鼎新叔建石橋扁名福壽使成不朽以便經行上願國泰民安年豐物阜次冀已身康健五福備臻家眷宣宗廟諱子孫蕃衍者至順四年歲次癸酉閏三月日吉時謹題洞庭元山張應雷造正書頗端勁在嘉定外岡鎮北二里湖堽門橋內宋

夾置水利書云太倉堽身之東塘浜二十五條吳堽門其一也此刻以吳為湖土人語吳湖無別而異文也

功德泉題記 至順四年七月正書在祥符寺巷太伯廟前

重修平江路學記 太常博士柳貫撰文于文傳書王克敬篆額郡人錢良右模勒至順四年九月趙晉之等建正書儒學志載此文中有脫誤處以上自元至元

至三順凡六十五種建造青龍橋題記 僧悅可撰記云慈光齊照佛日大師平江路嘉定州泰定西隱寺創立開山住持中庭月可回施衣資一力建造青龍橋功德上答

四恩下資三有者元統二年正月日題正書五行字徑七八分在西隱寺南俗呼校場街橋內悅可

詳練川圖記
眾安橋題記 南廣寺僧如理重建住持行滿題正書在太倉城南俗呼井亭橋

鳳凰鄉劉宅第二官人井闌題記 元統三年三月正書在郡城寶林寺

重建永安橋題記 僧如理記元統三年十月正書亦在南廣寺南俗呼毛家橋

重建廣壽吉祥橋題記 至元二年仲春僧是真書正書亦在南廣寺南近葛隆鎮跨長涇

范文正公祠堂記 汪澤民撰文并書泰不華篆額
後至元三年正月王子正書在郡學

井闌題記 後至元三年仲春正書即琵琶橋皇慶元年所刻之又一面

甘泉井題記 至元三年仲春在郡城開元寺前街清河橋題記 記云平江路嘉定州大報國圓通寺

住持善學關三字情者特發誠心喜捨已資一力重建清河橋一所以便往來所集空洪因普報四恩均資三關法界含靈同乘勝果者空皆歲在丁丑

至元三年二月吉日題正書六行字徑七八分在嘉定縣署後橋洞中

義士沈君墓誌銘 王良撰蘄端愛書王都中篆額至正五年十一月石在寶山大場鎮王良元史有

傳義士梗概詳邑志及余所刻練川名人象傳

大元佛慧圓明正覺普度禪師斷崖義公塔銘 虞

集撰柳貫書變二篆額至元六年庚辰正月在郡

城南禪寺外東園中

壽宣宗萬歲教寺裝佛記 釋普琳撰也兒吉你普

篆額至元六年行書似趙文敏而未署欵在郡城

雙塔寺也兒吉你普姑蘇志作也里吉里卜譯音

無定字也記首一行稱重新粧鑿聖象記與額異

廣化寺橋題記 釋善權記至正二年壬午五月正

書在橋內

甘泉龍池禱雨記 遂昌鄧元祐撰吳人錢遠書至

正二年八月正書姑蘇志載此文有脫落并刪改

百六十餘字

武畧將軍鎮守平江分鎮嘉定等處萬戶赦侯政蹟

碑 碑下半已缺失撰書人姓名攷此碑為黃潛

所撰文載潛集中校每行少十九字至正三年十

二月行書世行二存卅字二徑寸許在嘉定縣治

西伏虎土地祠中

重修平江路儒學記 鄭元祐撰文唐珙書遂永貞

篆額至正五年十二月正書

樂橋題記 正書刻在洞內橋在郡城攷橋建於赤

烏二年元至正六年十月李道宣宗重修當卽其

人而刻已磨滅

虎聖雲巖禪寺興造記 黃潛撰文并書泰不花篆

額至正七年三月正書在寺門內未行年月篆書
蓋立碑時重題

李王紀績碑 昆陽鄭東撰文三山張本書正書里
人后與篆額至正七年仲夏李王之事不見於琴
川志及姑蘇志邑人錢陸燦續志載長興李烈士
廟在致道觀西廡下俗呼觀爲李王宮者以此并
載有願盟所作記較詳

中書平章政事河隴高公勲德碑 于文傳譔吳鐸
書泰不華篆額至正七年 月正書在郡城北寺
碑不書其名以史攷之蓋納麟也碑稱其父智耀
爲忠簡而史云謚文忠當以碑爲正其曾大父爲
西夏駙馬史亦未載見錢氏跋尾

文正書院記 至正九年二月李祁譔于文傳書泰
不花篆額後列六十等銜位姓名十年七月立石
文載元板二范集而稍異六十西夏人姑蘇志無
年月可以此補之

梅巖瞿先生作興鄉校記 薛元德譔觀音奴書孫
伯元立石郝天麟篆蓋至正九年六月朔正書後
列銜位姓名在嘉定縣學篆額五行字徑三寸五
分文廿五行 二廿五字 二徑八九分

碑陰 刻田地米石數目亦正書五十八行 二廿三
字 二徑四五分

宋故東祁王先生歸田興學記 薛元德譔馬遂良
書孫伯元立石換住篆蓋四行字徑三寸許文廿

八行二世五字二徑寸許正書後列銜位姓名歸田興學事與縣志所載同錢氏跋尾云唐宋碑刻之式立石人當列名碑末此刻於篆蓋人之前爲他碑罕見每行遞高一格則又以官秩之崇卑差之皆非古法

碑陰 上截爲至正九年狀呈袁鉞書正書卅九行下分四截首行總計田地畝數米數後列都渭田米四止田戶姓名自第一至廿七中獨無第五都所載四止地名有橫瀝新涇及但稱涇漉浜塘外有稱洞簫財賦海牙者其渭以干字文編排四截皆小正書徑三分許第四截已不可識末有薛元德書跋語及監工鑄人姓名字徑四五分同上在

縣學

實際川禪師影堂逸事 至正九年仲秋前玉几松

月道

關

正印書行書在崑山城東永懷寺

廣福橋洞題記

至正九年仲冬有光福教寺住持

僧溪雲從及募緣僧前常州善權寺允迪施財里士等姓名已殘蝕不全正書在光福鎮東塘灣橋洞中義興舊有善權張公二洞爲唐以前古蹟中有唐人題刻此善權寺是也

廣福橋洞施主姓名

亦在前橋洞內皆正書所稱

講主院主庵主長老維那知客外又有稱歲主山主都文者當亦緇流也歲疑歲之別體其所稱庵寺有奉慈三峯寄心無爲等名皆不見於姑蘇志

長洲縣重修學宮記 會稽楊維楨製臨川危素集
歐陽詢書鄱陽周伯琦篆額至正十年七月朔楊
牖等立正書在縣學中有奄刺可林舊志守令表
無年月据此可補碑亦無知之者

平江路城軼文 正書五字爲張士誠入據增置月
門時所制之軼

平江路儒學銅爵欵 至正癸巳仲秋正書在府學
崑山州重新泰安橋記 至正十三年十二月日董
立司吏趙文敏題後列募緣僧及銜位姓名橋泐
自泰定丙寅至是重建在太倉州城外西馬頭橋
旁

教授題名記 至正十四年四月朔朱孔昭撰額橫

列正書五字徑二寸強上截記文十九行字徑七
八分下四行大字畧同小字徑六七分皆正書至
正十一年至廿一年十年中四人朱居首韓浚嘉
定縣多誤可据此正之

造象題記 一刻邵氏富三娘一刻福岩比諱尼本
源至正十八年三月皆正書据文有福岩庵之名
姑蘇志載在長洲縣一都泰定中建卽此與否不
可知

金粟道人小象 標題篆字顧阿瑛自題詩倪瓚題
贊時戊戌八月當屬至正雲林時年五十八皆小
正書石在嘉定舊歲王氏

嘉定州重建儒學記 楊維楨撰褚奐書周伯琦篆

額至正廿一年辛丑二月陳公禮立八分書字徑寸餘在學宮未有盧奐摹刻四字又有仲章二字盧氏子孫四字印他碑所未有錢氏跋尾載之平江路摠管周侯興學記 遂昌鄭元祐撰錢逵書周伯琦篆額至正二十一年三月正書後具立石銜位姓名

温州路摠管陳志學壙誌 首一行云先考陳公壙誌末一行孤哀子逢祥等誌庚友丁卯科進士奉訓大夫前江西等處學提舉楊維禎填諱皆正書在崑山馬鞍山下攷明人吳下塚墓遺文載又有楊維禎撰墓志敘事與此畧同其文亦云余與公爲庚友字甚工楷無書者姓名

靈惠英烈福濟忠正李王靈籤題刻 諸聰題至正

二十二年十一月正書在籤語斷語之後在常熟

縣李王官顯末詳祠山事要

常熟州修學記 臨海陳基撰并書行書鄱陽周伯

琦篆書六字在首行下獨大碑上無額後列教授

等銜位姓名至正二十四年二月

宣宗廟諱妙觀方丈通神庵記 紀年磨滅存七月望郡

人陸元吉書篆額及立石銜位姓名亦殘蝕不全

隨意井泉題記 在翦金橋北年月姓名不可辨中

有上元鄉字姑蘇志言管都四在城內

集仙宮易大監詩殘刻 凡三石一上存四行十字

一下存兩行五字皆正書一存六行前題嵒峯成

道易大監旁注至元間致仕來游作皆行艸書在
宮內

倪雲林象并墓誌銘石刻 誌銘鐫於象之上方末

署長樂王賓著皆小正書另石刻王翰林輔銘詩
與前金粟道人象均為嘉定王氏舊藏

平江路輒文 正書平江路三字出嘉定東城輒今

藏古泉山館 以上元統至元
末凡卅四種

吳郡金石目 終

曩以瞿氏古泉山館所集吳中金石文字逐一

編次并摘攷證列其大端或有未載之本就目

曉所及者補之彙為一帙凡經前人著錄如寶

刻彙編所載橫山頂舍利靈塔銘 嚴德盛製魏瑗書
大業四年九月八

日清遠道士詩 顏真卿與李德裕
追和無年月 春申君廟碑 趙君貞撰
史維則書

分書并篆額
天寶十載立 重建龍興寺碑 房瑄撰序
裴毋潛銘徐挺古書分
書沈廟額篆額貞元十四年重立

新開常熟塘記 劉允文撰劉苑
書元和四年二月 大德元浩和尚靈塔

碑 崔恭撰并書正
書元和十四年 及志乘所紀尚多以未見搨本概

未收入今年夏偶於行篋檢得繕出清本鄭盦

潘君祖蔭見而善之從憑付梓惟各搨本道遠

難致不及覆校疏漏尚多敢質博覽咸豐元年

十二月程祖慶識於都門寓齋

吳郡金石目

十二月日野脈製精竹格門萬齋

鑄錢不文費刻施議尚冬效實軒實刻豐元平
番氏脈茲良而善之然其林對對各鼠本首歲
未如人今平夏即於行對餘其錄出部本腹盒

轉書元時十四年又志乘池跡尚冬以朱良鼠本琳

深開常燒熱時書元時四十二年大燕示部味尚靈卷

天寶十藩立書元時四十二年重寶請興浩軒書元時四十二年

立書元時四十二年青嶽節士精書元時四十二年春申香應軒書元時四十二年

陵彙錄池輝對山頁舍所靈卷驗大業四十年

與池又香蘇之彙為一知凡錄節人善錄賦實

錄矣并辭文益其大識返首未錄之本源目

彙以墨丑古泉山譜池彙吳中金石文字宅卷一

曩為程君稚蘅刻此書距今已二十五年稚蘅

於咸豐丁巳赴楚南先是稚蘅進呈太白陰經

特旨賞 實錄館謄錄議敘鹽大使其需次楚

中貧甚依張東墅前輩於永順閱數年東墅來

京知稚蘅亡矣稚蘅為序伯文長子善畫好飲

酒瀟灑似魏晉間人浮沈下僚侘傺以歿無子

有一弟在滬瀆聞序伯文以恬養智齋全集二

十四卷散文駢文若干卷張東墅前輩已為刊

行云光緒元年乙亥七月吳縣潘祖蔭

汴云光緒元年乙亥十月吳縣縣丞
 十四卷續文總文若干卷東望前輩
 育一策五書賣問學師女以副養
 齋齊全業二
 斷蕭靈心縣晉門入齊不意計
 以窮無干
 京賦蘇藩寸笑蘇藩為京師女
 具千善畫我
 中貧甚好東望前輩亦則閱
 獲平東望來
 辨言賞實難前輩難難大勢
 其需衣裝
 族如豐丁日扶禁南次吳蘇
 藩呈太白劍蘇
 曩為孫孫蘇藩陵此書
 甲今日二十五平蘇藩

